




Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues



Broj: 14-02-04-01882/24
Datum: 18. 04. 2024. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 SARAJEVO
N/r Elvedin Okerić, predsjedavajući

PREDMET: Odgovor na zastupničku inicijativu, dostavlja se;
VEZA: Vaš akt, broj: 01-04-5869-66/24 od 25.03.2024. godine

Poštovani,

U skladu sa zastupničkom inicijativom, broj i datum veze, upućenom od strane zastupnice Marijele Hašimbegović, u okviru 14. radne sjednice Skupštine Kantona Sarajevo, a koja glasi:

" Dostavljam inicijativu radi izvršenja nadzora rada Ministarstva za odgoj i osnovno obrazovanje po predmetu donošenja dokumenta Odluke o Pedagoškim standardima za osnovni odgoj i obrazovanje i normativima školskog prostora, opreme, nastavnih sredstava i učila za osnovnu školu. Tražim da se izvrši inspekcijski nadzor kao i nadzor Ureda za borbu protiv korupcije i kontrolu kvliteta KS radi osnovane sumnje o grubom i višestrukom kršenju zakona prilikom donošenja ove Odluke, zloupotrebi položaja i nesavjestan rad od strane resorne ministrice Naide Hota-Muminović kao donosioca Odluke.

U međuvremenu dok traje postupak utvrđivanja zakonitog djelovanja tražim od premijera Vlade KS da se HITNO i bez odlaganja ova štetna Odluka za radnike, ustanovu, organ rukovođenja, organ upravljanja, koja je odraz ozbiljne pravne nesigurnosti i koja ugrožava interese Osnivača stavi van snage.", dajemo sljedeći odgovor:

Kantonalni prosvjetni inspektori, u skladu sa članom 3. Zakona o prosvjetnoj inspekciji ("Službene novine Kantona Sarajevo", broj 9/00) i članom 112. stav (1) Zakona o osnovnom odgoju i obrazovanju ("Službene novine Kantona Sarajevo", br. 23/17, 33/17, 30/19, 34/20 i 33/21) vrše poslove prosvjetne inspekcije u odgojno-obrazovnim ustanovama, odnosno inspekcijski nadzor nad radom škole u oblasti primjene zakona, podzakonskih propisa i općih akata iz oblasti osnovnog odgoja i obrazovanja, preduzimanja mjera u skladu sa zakonom i propisima donesenim na osnovu zakona.

Iz navedenog proizilazi da prosvjetna inspekcija, odnosno ovaj organ, nije nadležan za nadzor nad radom Ministarstva za odgoj i obrazovanje Kantona Sarajevo, kao organa izvršne vlasti, organa uprave i koji po rješenjima Inspektorata prosvjetne inspekcije odlučuje u drugom stepenu, niti za nadzor nad radom Vlade Kantona Sarajevo, u konkretnom slučaju, kao donosioca Odluke o Pedagoškim standardima i normativima za osnovni odgoj i obrazovanje i normative školskog prostora, opreme, nastavnih sredstava i učila za osnovnu školu.

S tim u vezi, nije nadležan ni za ispitivanje zakonitosti propisa čiji je predlagač Ministarstvo za odgoj i obrazovanje Kantona Sarajevo, odnosno propisa koje Vlada Kantona Sarajevo, u skladu sa zakonom, obzirom da je članom 11. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), propisano da ministri odgovaraju premijeru i Skupštini Kantona, da je Premijer odgovoran Skupštini Kantona, da Ministri snose krajnju odgovornost za rad svojih ministarstava, te da Vlada Kantona podnosi ostavku ako joj u bilo koje vrijeme Skupština Kantona izglasa nepovjerenje.

Imajući u vidu da se predmetna zastupnička inicijativa odnosi na rad Vlade Kantona Sarajevo u pogledu načina donošenja propisa iz svoje nadležnosti, i na rad ministra odgoja i obrazovanja Kantona Sarajevo, te da Vlada Kantona Sarajevo i Ministarstvo za odgoj i obrazovanje Kantona Sarajevo nisu ustanove odgoja i obrazovanja, to Inspektorat prosvjetne inspekcije Kantonalne uprave za inspeksijske poslove Kantona Sarajevo nije nadležan za nadzor na radom istih.

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a



DIREKTOR

Adis Mešić